

棗陽縣志卷十一

風俗

其君子宏懿明叡允恭温良容止可則出言有章張衡賦

自晉氏南遷多衣冠之緒稍尚禮義經籍焉隋志

人性鯁直訟詞少興農樂耕桑而商賈不事士務學問而儉

樸是敦人擬之廬陵吉水云古志

棗陽為襄南重地文物勲名代堪艷絕而習尚囂競間不能

免舊志

士習敦樸民風崇儉然禮教未嫻輕蹈法網而不知又商賈

棗陽縣志 卷十一 風俗

往來競習侈靡飲食燕合之節或以豐腆相尚婚姻酬酢之

儀亦稍增華飾土著居民漸且染之所當諄切化導使之返

樸還醇府志

邑西北地連唐鄧西南地接襄宜風氣曠悍良莠不齊非精

明嚴肅之吏不能治也陳志

元旦五更設香燭果品於門外拜方畢入室序拜尊長鄉鄰

戚友相過拜賀往來燕會為樂

上元演燈和粳米大豆蕎麥等麵為金盞銀盞燃香油炷於

中徧處張照次日收取煎食

新春醪金製麟獅龍燈竹馬採蓮船閒以燈綵沿門嬉戲鉦鼓爆竹之聲震動閭里蓋古人儺以逐疫之義也

清明插柳枝於門喧鼓樂攜酒食插柳條挂紙幡於墓上祭畢男女各藉草餽餘踏青歸

端陽懸艾於門食角黍飲雄黃酒佩香囊

中元城內作土地會肴饌甚豐以大椀盛肉十餘斤貫以竹簽高至二尺許雞鴨鵝魚亦稱是四圍簪以時新花卉謂之高裝先供城隍廟中觀者如市供罷各邀街鄰相聚飲食此風他處所未有也

棗陽縣志

卷十一

風俗

二

中秋備月餅設酒殺瓜果賞月

重陽登高飲酒賞菊

十二月二十三日以饒及果品祀竈神

歲除作棗山及饅首供神前陳豕首酒饌以祀之祀畢飲團年酒守歲燈火爆竹達旦

婚禮不論財以名柬爲定女家答柬如之將娶卜吉期先報女家臨期具衣飾禮物納幣厚薄稱家媒導婿親迎行奠鴈禮女家款燕畢婿先歸俟女至相偕登堂拜神畢偕入洞房設花燭並坐飲茶及夕合巹於室質明婦拜見舅姑出所製

枕履爲質次徧拜親眷三日後女家遣人看問謂之送油九日或半月或一月婿偕婦歸省謂之回門擇日具名柬延請婦之親屬謂之飲過門酒

生子遣人到婦家報喜具名柬延請婦之親屬婦家以布帛米麥雞鴨紅砂糖紅蛋等物饋之戚友相賀亦饋以布帛米麥等物期歲諸戚俱至與兒以繡履綵帽衣飾果品各隨其宜陳書籍筆硯刀劍弓矢及雜物於席上任兒抓取謂之抓周

祭禮中元及歲除皆祭於堂清明祭於宗祠無祠者祭於墓
襄陽縣志 卷十一 風俗 三
客戶及貧家值中元節於野外以堊圈地置紙錢於中焚之喪葬士族多遵朱子家禮始死易素衣斂畢卽穿喪服卜地安葬擇日受弔先期訃親黨延戚友之嫻於禮者爲之贊引延有爵者題主葬之日親黨咸送至墓所閒日喪家婦女至墓拜哭齊民則多用僧道百日周年皆然諷經禮懺家富者或五七日半月不等